

տողէմի հարկադրեալ 'ի Սալիֆայէն, որ և հատոյց զճախարհ, և հրաման եա քրիստոնէից բնակիլ 'ի կողմն յայն, և զՊատրիարքն միայն ունել ինքեանց դատաւոր » :

Իսկ եկեղեցին որ 'ի վերայ Գիւաի Սաչին, կառուցեալ 'ի Հեղինեայ, եւ կացեալ կանգուն ցեօթներորդ դարն, չնչմարի 'ի գիրս ուրեք, թէ յո՞ւմնէ և յորում ժամանակի կործանեցաւ այն շինուած հոյակաւ, որ կայ մնայ մինչեւ ցայսօր ժամանակի յաւերակի իւրում: Եւ Սաչակիրք եւս զանց արարին զայնու 'ի ժամանակի իւրեանց, և չերեւի նշան ինչ երբէք, թէ շինեցին նոքա զեկեղեցի Ս. Գերեզմանին, այլ եկայ մնաց միշտ հիմնեալն 'ի կոստանդինոսէ պարիսպքն: Զայսօսիկ այսպէս եղեալ, դարձցուք մեք 'ի կարգ բանիս: Ի հրովարտակս եգիպտական իշխանութեան առաջին համարի գրեալ 'ի բարբառ Արարացւոյ, զոր առեալ է Մեսրոփը Արքեպիսկոպոս 'ի ժամանակի իշխանութեան իւրոյ, զորոյ զթարգմանութիւնն դիցուք աստանօր: « Հրամայեցաք Մեսրոփը եպիսկոպոսի լինել Արքեպիսկոպոս յերուսաղէմ 'ի վերայ Հայոց, զգեցուցաք նմա վերարկու պատուոյ, եւ կարգեցաք զնա վերատեսուչ 'ի վերայ ամենայն կալուածոց նոցին, և բարձաք զամենայն նեղութիւնս եպիսկոպոսին այնմիկ և վանօրէից նորա, չհամարձակել ումեք պահանջել կամ առնուլ 'ի վանաց ձէթ, մոմ և զայլ իրս, և եթէ ոք յանդգնեսցի հակառակ օրինաց մերոց՝ պատիժս կրեսցէ. արգելեալ է ծանրանալն 'ի վերայ վանաց յանիրաւի՝ սահմանել նորանոր իրս և յաւելլուլ զանիրաւութիւնս և զգրկանս. ըստ կամաց իւրեանց փակեսցեն և բացցեն զգուռն վանաց երբ և յորժամ կամիցին, և մի ոք հակառակեսցի այնմ. ցորչափ կամիցին միաբանք վանաց՝ լիցի 'ի վերայ նոցա Մեսրոփը եպիսկոպոս տէր և իշխան, և յորժամ ոչ հաճեսցին ընդ այն, իջուսցեն զնա յիշխանութենէ, ըստ ընտրութեան կամաց և ըստ վաղեմի սովորութեան իւրեանց, մի ոք հակառակ կացցէ հրովարտակիս »: Գրեցաւ 'ի Վ. Րէպիլէ Էփիլէ. Հ. Ո. Ն. (1008): Հ. Մ. Չամչեան 'ի պատմելն զվարս Սիմէոնի Հայկազն կրօնաւորի, ասէ. « Ի հասանիլ նորա յերուսաղէմ և 'ի տարածիլ համբաւոյ սրբութեան և սքանչելի վարուց նորա, ընկալաւ զնա Արսէն եպիսկոպոս քաղաքին,